



閩／景點／☆☆☆★

## 燦光寮山

海拔 738 公尺的燦光寮山，有一等的三角點恰衛星控制點，矗佇貢寮 (Khōng-á-liâu)、瑞芳恰雙溪交界的所在，是基隆火山群上(sīōng)懸的山，四箍輾轉較低的山崙、溪崁，往過齊(tsiâu)是挖金仔的礦區，會號做「燦光」這兩字的緣故，正正是對遮來的。

欲去距燦光寮山，愛對 102 號縣道倒幹草山公路行入去，規逝的石頭仔路無蓋好行，大體仔半點鐘到山跤，有誠明的指示牌咧報路，免驚會楞山去。

距起崎的路喙一直到崙頂，密密是的菅芒，旺甲強欲共路淹去，比菅芒較頂層的，有真濟開白花的油茶仔、結子誠古錐的黃楊插佇內底；碰著較無塗肉的石縫，猶有野生的滿山紅恰摺佇岩壁、開花誠細蕊的唐杜鵑，倚佇三角點邊仔，嘛有古早冰河期留落來的的森氏杜鵑、鐘萼木恰雲葉樹，攏是嬌噹噹閣誠罕見的植物才是寶。

倚踣山頭對東片看去，鼻頭、蠔仔坑、福隆恰上遠的三貂角攏看現現；趲來南勢，牡丹坑車頭、雙溪的密婆山拄好倚佇跤邊；西向恰五分仔山、羌仔寮山相連，降落來山跤的基隆河袂輸一尾大蛇，共猴硐仔、瑞芳纏著；上鬧熱的是北向的海跤，躡起躡落的海湧親像規陣白馬仔咧走相逐，共無耳茶古山、基隆山、南仔吝山圍緼緼，予覷佇內底的九份仔、金瓜石恰水湍洞無暝無日咧滾絞袂煞；是講，我較愛燦光寮山的古意、恬靜，伊攏照寒熱、節氣咧搬徙光景，予人會按算，閣毋捌重耽過。

作者：藍春瑞

### ☆詞彙學習☆

【踣】tshāi：豎立、不動

【楞山】gōng-suann：登山迷路

【插】tshap：穿插

【摺】mooh：緊貼著

【密婆】bit-pô：蝙蝠(此處為山名)

【走相逐】tsáu-sio-jiok：賽跑、競走

### ☆文法學習☆

【入去、淹去、楞山去】：「入去」和國語「進去」、「拿去」的「去」用法一樣，但本文中的「淹去」、「楞山去」，以及一般常聽到的「落去」、「睏去」等，表示一種事情已經發生或結束的意思，則是國語中沒有的用法。